

貴也然一身之根有三一為神二為精三為氣也此三者本天地之氣也神者受於天精者受於地氣者受於中和也相與共為一道也故神者形乃乘也氣者神之與也精者居其中也三者相助為理夫人欲壽者乃當愛氣尊神重精也故氣生於精精生於神神生於明人本為陰陽之氣氣轉為精精轉為神神轉生明是故不欲老者當念守元氣而合精者也令不去其形合而為一也即淋淋自見身益輕意欲精也此神光欲生也心中大安欣欣若喜也若冥目卧著志意於身內。意不出則身鍊形變也如此則真理已得太平自應矣神哉此道神者君也精者臣也氣者人也故修身之道安神養氣不欲其喜怒若能制之氣自強也意自得也百邪自去衆病自消光明自見善神自應也故曰大道坦坦去身不遠第一初果行人之中九轉仙行一者可從於善二者閉塞於惡三者廣生濟物四者勸助良善五者布施財力六者大願利人七者身慈不害於物八者口慈言不害

物九者心慈常念於善常行九行一不可闕

太上洞玄靈寶六齋十直聖紀經



正一天師清微弟子 洪百堅 製作

道要靈祇神鬼品經

總序靈祇

滿四

靈寶无量度人經云中斗大魁總監衆靈勅制地祇侍衛送迎拔出地戶五苦八難洞真上清隱書龍文經云太上道君元始天王同還大有之宮遊宴妙庭之館凝紫雲誦七寶敷丹霞列玄臺衆華采燦光爛玉虛微映諸天香溢十方煥爛朗殺不可稱宣爾乃集會无極靈祇爰及蠕動一切感通莫不歡喜

靈祇神品

洞神三皇經云神明者豫知未萌名曰神矣耳目聰明名曰神矣

太平經云夫神者因道而行不因德也故用道者與神明用德者與神謀道之與德更明思神與人者內相恃皆令可親又云古者神聖真人皆能守道清靜之時且食諸神皆呼而與其語言比若今人呼客矣又云天地四時五行衆神更直人命錄可不敬重念報其恩不欲為善事反天神天神使風雨不調行氣轉易當寒反溫當溫反寒又云大神比如

國家忠臣治輔公位名爲大神大神有小私天君聞知復退矣故不敢懈怠小神者安得自在又云四時之精神猶風也水也隨人意而爲邪正人正則正人邪則邪故須得其人適可立事也不得其人道難用也夫水本隨器方圓方圓無常風氣亦隨人治爲善惡無常此即其明戒也天地之神與風氣影響隨人爲明戒耳

老子觀身太清中經云八卦天神下著於人常衛太一爲八方便者主八節之日上計校定天下吉凶乾神字仲尼號伏羲坎神字大象子良神字非先王震神字小曾子巽神字大憂侯離神字文昌坤神字楊權耀王號曰女媧兌神字一世入常以八節日存念之吉太上女青鬼律云甲子十日一旬凶神姓玄名玉衡甲戌十日一旬凶神姓恒名捧甲申十日一旬凶神姓既名閻甲午十日一旬凶神姓本名滿甲辰十日一旬凶神姓恒名堅子甲寅十日一旬凶神姓蘇名逢  
右六甲凶神主惡逆煞事

太上八素真經云第一之戒不得不敬於天不得謂天無神呼地無鬼

魔正品

太上太霄琅書經云東華青童曰魔有數種有天魔地魔鬼魔今言六天大魔王者是天地之大魔王其宿世有大功德故得爲此魔王與帝釋比德共執事於天地人上屬太上玉京爲天帝之下官耳其餘無所不制夫人學道先經小魔試道成時大魔王皆臨大試過便保舉上登玉京臺

昇玄經云太上曰有八男子十一女人初聞此經生不信心從座而退爲天魔異道惑亂其心

力士品

洞淵經云守堂力士錄人名字付考官考官考煞人精神令人氣力懨懨魄遊揚遂致死亡天下有力士名烏玄四十九萬人遊行國界若有三洞法師轉經之處三五之人一二護之不令有惡

空神品

昇玄經云太上呪曰東極虛空天神地祇龍鬼乃至下極虛空天神地祇龍鬼等諦聽吾命是善男子道陵今以建意於將來世作大法師護度一切汝等便於今日宜當建意率領官屬慇懃覆護

社神品

老子天地鬼神目錄云京師社神天之正臣左陽右陰姓黃名崇本揚州九江歷陽人也秩萬石主天下名山大神社皆臣從之河南社神天帝三光也左青右白姓戴名高本冀州渤海人也秩萬石主陰陽相運呪詛取人及人命故終也諸社神天封之各自主督天下血食鬼邪無大無小莫有不伏者  
三皇經云豫州社姓范名禮雍州社姓修名理梁州社姓黃名宗荊州社姓張名豫揚州社姓鄒名混徐州社姓韓名季青州社姓殷名育兗州社姓費名明冀州社姓馮名遷稷姓戴名高  
右九州上應天九星之根九宮所在領九州爲常人能憶九州之社一天之稷呼其

姓名問其是非皆白兆吉凶可使之賞善罰惡救濟蒼生也

山神品

仙公請問經下云欲入山居幽處宜先受經業恭肅事師修諸善功以伏山神山無大小皆有神靈山大則神大山小則神小神壞人亦不立也人不解至法不知修善立功此何以能久山棲乎

老子天地鬼神目錄云太山獄丞姓君名後陽山獄丞姓朱名兆雨山天之井也姓夏名澤治在會稽南山號曰泄公得治已五百年。素山君天之都吏姓素名章治在吳郡陽羨南山秩三千石得治已七百二十年越山君天之從事姓許名軫鄞縣東山神姓呂名承本廣漢人秩六千石故是蜀郡太守死天封之得限食鄞縣治已五百一十年章安山神姓照名遠本自縣民無秩相白衣年七十死從天帝左將軍侯食其山號曰煦漸有功得血食治已七百七十二年鄞縣黃山神姓吳名女動稱地限食候官血食治已得七百二

十年東方蜀山神姓千名李舉南方劉山神姓劉字伯西方九銅山神姓箕字起陽北方崑崙山天之中也地之母也神姓湯字大卿父子山神姓周字仲諸大毅山神姓武字幼文滿車山神姓傳字幼思緝公山神姓皇字太初皖公山神姓皇字仲曾放公山神姓皇字元台潛公山神姓皇字幼林越漢公山神姓陳字景元尼浦山神姓陳字少思西塞山姓字女勝樊山姓字女娥官亭本名銅鋌山廬匡君在中治廬廬君名俗字君孝滿山君姓呂名萇字叔謹生時為師治在婁縣南山。柯山君姓馮字子夷叔父故是邯鄲今治在本縣西也

水神品

仙公請問經下云水皆有神八海則有神王君為江湖河濟皆有神也又龍治其清湖河伯水官各有宮殿府寺亦七寶瑠瑊悉諸仙人之下宮也  
老子觀天太清中經云河伯神名曰馮夷號無梁使者

老子天地鬼神目錄云河政公字青曾一名有河上公字定明河陽公字定陵河陰公字定勝河持法公字少恒南海公字少明北海公字永昌一名水昌東海公字四易一名西易河伯字常仲一名常仲清中君字流相四

水君字伯行溝淵君字泉荆一名泉霖水澤君字扶性河仙君字伯陽一名河陽大河使君字定安鈞河君字女倉食河姓字少首太河父字元效東河胡君屬侍北斗東海神姓辱名枚主駕飛龍號曰天帝公秩萬石得治已七百五十年西海神姓馮名脩主駕小魚號曰地太一秩萬石南海神姓句名大主駕水鯉號曰地天公秩萬石北海神姓河名伯主駕蛟龍號曰地天一秩萬石益津河侯姓周名歐東海馬銜君治在東海中與河伯共參事東王父北湖姓帛葦湖姓皇字幼女

靈祇鬼品

太上太真科上經云凡鬼無精養至滿七世善惡各絕善鬼昇上鬼仙錄中惡鬼經復刀



山劍樹火鑊之考骨骸爛盡方入溟泠地獄  
萬劫無生

授仙道經云四方鐵圍山山外甚廣太上老  
君憐愍好生故成鐵圍山隔斷諸惡鬼不使  
來害人

道德經云以道蒞天下其鬼不神非其鬼不  
神其神不傷人

洞淵經云道言自伏羲以來壞軍敗將舉衆  
形殘刀兵枉死萬萬為群或有靈尸骨節分  
張身首他處不得集聚或有身無頭有足無  
手有口無目千千萬億遊託自守依山倚水  
與雲中李子教浮遊雲間來往海濱東西南  
北乘風駕雀捉人雞犬妄令作妖魅橫生  
求其血食又云又都盧那鬼身長三丈目縱  
口橫耳長六尺手提鐵棒專行人間打殺惡  
人仍有六萬九千鬼或為大鳥鳥行之處令  
人悉病便至死有三萬六千惡鬼鬼名天  
池從者三萬常行世間枉殺良人至壬午年  
復有三萬九千赤鬼鬼名大頭來下殺人山  
林之鬼名江子都領二十九萬鬼常伺殺

人小口託作老人來入人宅驚人雞犬復有  
赤憤小鬼三萬九千衆仍入人宅中取人六  
畜復有大運青鬼長三丈四十九萬人手持  
赤棒棒熱萬民有善人信法者不近之又云  
有大雷鬼名九昌領八萬小鬼手持赤棒來

入中國然其惡人行三十六種病病然惡人  
有八十萬赤尾鬼名多河一頭三尾身長九  
尺兩手持水令人寒熱行九十種病病然惡  
人又有大目鬼長三寸千為群與赤鳥百  
萬來下入人家然人復有三十六種草鬼然  
人人有入草中取菜食其白草根枝莖葉有  
鬼毒毒名生如生如兄弟百萬人氣能然人  
病人之時十日一月入人四肢百節中當黃  
赤鬼長三寸七分也山中女鬼名羅翁翁妃  
女將二十萬女鬼亦入山林水之邊伺取殺  
人又有一女鬼名石姜其形甚醜身長一丈  
黑面目縱通身赤黃身體臭穢人不用見之  
見之者速走避之道士先有無量功德應仙  
入山修煉當敬三天聖人當奉師三事者一  
教令受經敬師不誹謗人二教供養一切道

士勿作妬心三教不與俗人交通不從此三  
事天人責之鬼亦與妖仙道難固又云有八  
萬鬼名烏塗倫那長七丈千萬為群復有大  
赤鳥鳥如車輪飛來食人人有奉三洞之經  
行人間者此疫鳥悉死矣復有八千九萬赤

面鬼鬼名明真各將三萬九千小鬼鬼悉持  
赤棒棒熱惡人復有三萬白頭鬼鬼名千輪  
千輪身長三丈面黑頭白萬萬為群當下三  
萬九千種病又有三十六鬼種種然人有  
害鬼三萬石鬼十萬木鬼二萬水鬼三十六  
十萬土鬼六十萬蟲鬼十六萬悉能然人也  
所以能然人者鬼悉附以此物之上然人入  
水死入山石死斬樹木死食寅氣死起土土  
死入草蟲傷悉非正氣也道士自今以去勸  
化萬姓惡人男女令悉奉道之人鬼不近不  
者大驅除之日恐鬼兵來誅子耳又有八千  
黑目鬼鬼長六寸託鳥而飛來在水中或因  
風雨來著人人死復有三萬九千沙鬼鬼長  
三寸其色赤白因水長便著人復有八十萬  
大漂鬼鬼名大頭其主亦爾如各領三萬鬼

賊入惡人宅中令失火火不可救復有大鬼  
 鬼名崩周十方大鬼鬼名季子央兒桃姜壬  
 午之年各領十二萬來中國煞惡人又有八  
 萬九千黑面大鬼鬼名赤頭身長二丈二尺  
 四十九萬人等每詐稱皇帝之神惡人家  
 親將一切無籍之鬼世間魍魎男女之殃頭  
 羅丁勒南陽葉公石母大子雲中李子教三  
 天捺無著之鬼千兆億來入人宅取人小口  
 老嫗男子令天下人疾病死亡村村有之門  
 門皆死鬼兵屯聚集人隣陌捉人六畜為獸  
 作其光怪令人遭口舌刑徒囚獄田蕪不收  
 觸事兇兇

諸死人所皈鬼亦上天對問考罰月一上上  
 古以來有三萬六千鬼又南鄉三老鬼五道  
 鬼鬼姓車名迨主諸死人錄籍考計生人罪  
 惡皆屬之此鬼在太山西北角亦有宮為太  
 山有召一還此鬼是天煞唯關文書  
 東斗三台鬼姓名車  
 南斗三台鬼姓名冥或名温夫  
 西斗三台鬼姓名球或名求  
 北斗三台招搖大鬼姓名伴名玩  
 中斗三台鬼姓名王名咸  
 右五斗煞鬼姓名主煞人  
 大雲中無名鬼長三萬六千丈  
 天雲中遊行鬼名礙或名喜  
 天雲中二十八宿直煞鬼名成子  
 右三鬼天陰陽鬼主煞人  
 東方青帝直符鬼名伯神子一名呆古老子  
 南方赤帝直符鬼名泰伯子  
 西方白帝直符鬼名伯和子  
 北方黑帝直符鬼名泰衣子  
 中央黃帝直符鬼名伯溪子一名泰淵

右五方直符鬼常煞人六畜生作光怪  
 北斗主煞一鬼上下烏衣長七千丈姓吳名  
 運臨子太一主煞無刑無名鬼長一丈六尺  
 赤憤赤衣服天三五考煞鬼名慧或名長丈  
 七尺白衣赤憤天帝常司過鬼姓阪或名斑  
 子夜聽人語逆知人心  
 甲子日鬼名元光  
 乙丑日鬼名邵或名郭或名章  
 丙寅日鬼名劉或名昌  
 丁卯日鬼名子方  
 戊辰日鬼名生進  
 己巳日鬼名傳或名辛或名快或名慶  
 庚午日鬼名柴方  
 辛未日鬼名音或名文  
 壬申日鬼名石松  
 癸酉日鬼名倚或名駝或名龍  
 甲戌日鬼名甲光  
 乙亥日鬼名迅或名官  
 丙子日鬼名留或名選  
 丁丑日鬼名王眸或名謀

戊寅日鬼名却心  
 巳卯日鬼名遂子  
 庚辰日鬼名耳子  
 辛巳日鬼名元聲  
 壬午日鬼名術  
 癸未日鬼名歷厨  
 甲申日鬼名瑯切以香  
 乙酉日鬼名轟下  
 丙戌日鬼名龍切後董  
 丁亥日鬼名石節切之北  
 戊子日鬼名證方  
 己丑日鬼名肯都  
 庚寅日鬼名岑切北  
 辛卯日鬼名慧切北  
 壬辰日鬼名契切北  
 癸巳日鬼名輩方  
 甲午日鬼名麻子角  
 乙未日鬼名不扶纒  
 丙申日鬼名石公  
 丁酉日鬼名入進卿

戊戌日鬼名石丸高  
 己亥日鬼名珠夫子  
 庚子日鬼名季方  
 辛丑日鬼名返切以是  
 壬寅日鬼名羅結  
 癸卯日鬼名健木  
 甲辰日鬼名索良  
 乙巳日鬼名品切後董  
 丙午日鬼名挺環切後道  
 丁未日鬼名夫伍  
 戊申日鬼名挺劉  
 己酉日鬼名戴劫  
 庚戌日鬼名總夫  
 辛亥日鬼名安懸  
 壬子日鬼名道子  
 癸丑日鬼名唱造切古法  
 甲寅日鬼名別狀  
 乙卯日鬼名天暗切古法  
 丙辰日鬼名天進切古法  
 丁巳日鬼名天橫切古法

正一天師清微弟子 洪自 道教學術資訊網

戊午日鬼名耳達切本音  
 己未日鬼名噫切本音  
 庚申日鬼名義運切之  
 辛酉日鬼名義呼  
 壬戌日鬼名邊夫切本音  
 癸亥日鬼名邊切本音 高敵  
 甲子六十日直煞逆鬼六十人人身無頭赤  
 毛無衣有耳無目飛行千里共導三尸凶逆  
 不孝煞害天民人隨日憶知其名鬼不敢近  
 人  
 太和之鬼無身有頭頭長三尺目大三寸耳  
 廣七寸眉廣五寸口廣三寸鼻大二寸鬚長  
 三尺髮長一丈呼吸吞吐之成雲子行見者  
 其名子碑三呼之形自見眾鬼從者皆自頭  
 伏子行勿以金錢著身其有光鬼逆見之不  
 避人有錢在身不可鬼知子解藏之水行見  
 者呼河汾其亦作水鬼易形為鳥形如鳥大  
 子然之勿告人三年後行來出入山海永無  
 怖畏大吉  
 五綉鳥之鬼名截道子

石昏之鬼名水連

土埭之鬼名客史志音

博石之鬼名月邈

搏木之鬼名汝速

百蟲之鬼名遐迤莫號

空流之鬼名活規

江逢之鬼名逆麟子

漢明之鬼名啓覺

昌利之鬼名堪坊

五色之鬼名後嚮

太玄之鬼名居集

男淫之鬼名戴文

女淫之鬼名截亥

屋食之鬼名操子

食器之鬼名後服

圜廁之鬼名須天

井鬼名瓊

竈鬼名壤干

展鬼名干速

床鬼名莽子一名扶

禽蓋鬼名晏

魔種鬼名乚古切

鼓音鬼名亂

笙薦鬼名講

坳坑鬼名欠雉

圩管鬼名赤子

戟半音之鬼名耳翁

刀鬼名劔子夫

甲鎧之鬼名子賢

馬牛車鬼名如賢子

千歲白骨鬼名速世

百歲白骨鬼名音世

五十年鬼名琮琴

天獄鬼名墜生子

天鞭鬼名容夫元

重光鬼名慟

犬馬鬼名賜

盟威正一之氣女青鬼律役使天下邪魅助

道興化勸鬼真名主者明加切正使天下道

氣宣布邪逆實伏子知鬼名姓鬼自趨走不

正一天師清微弟子洪百堅製作 道教學術資訊網站

敢害人子常念之慎勿違犯

道上將軍名侯夫

道下將軍名逸車

天逆鬼名文远玄

地逆鬼名見精子

右四鬼主風雨時隨之作害人行來道路

遭大風雨呼四鬼名惡氣不敢加

吉凶鬼名謹

世逆鬼名冉子臂耳

右二鬼是古死人敗家或俗師不正之鬼

害人百行子知其名鬼自伏住不敢動

天正鬼名迭以結堅

地正鬼名杓音水

右二鬼是宅中死煞守鬼常住人堂中屋

梁上夜傷害雞犬六畜子知其名伏住不

敢動不害人宅中有福德此鬼護之外客

殃煞不敢過宅

申之年 後穆高

右二鬼人家住屋下梁柱頭鼻朝或暮有

靈主妨人子知其名鬼不害人



令精華 是補坐

右二鬼人家宅中有銅金錢精主作此鬼  
鬼或變能作人形居宅不安呼之即吉

巴良 救姑 殷各

右三鬼是人屋中四壁角中鬼主人夫婦

無道不順陰陽此鬼白直符直符白奏事

除人生籍子知其名鬼不敢動

天載 茂音響切

右二鬼是門伯戶丞白日為神福至暮作

鬼子知名以人定時於門戶左右呼其名

三掌手反首持兩耳二過此鬼即止不敢

作害

芥金木和 鎗鉀粗

右二鬼是人家宅上有樹或竹林為鳥白

鷺群鳥所依皆有邪魅子知其名三呼之

鬼知人不可干不過七日九日鬼自死不

然鬼者夕間中喚之鬼伏住不害人

塵發伏音姑 若無紫財音俱 方避音

右三鬼是世間癩癩人之鬼其赤衣服

烏冠情主收人魂子知其名有疾即差鬼

不敢干

乘華載 辟氣途付

右二鬼是女人月水之鬼常食陰陽血味

女子月水來日夕存之呼名鬼不敢害人

鬼長三尺上下青衣

語志 敬邊音身

右此二鬼主女臨產女子產生時不可不

呼此鬼名呼即不害人鬼長三寸三分上

下烏衣

鼎精華

右此一鬼主客人田蠶蠶女鬼夫立春日

平旦時可立向西北方三呪曰天皇清明

長遠上多神陰不反與汝馬姑來我宅使

蠶大得千萬倍田畝收千億斛絲天中下

稻地中出勅華為我使叱咄急煞百傷小

鬼何狼狽

遼進還切進 百道

右二鬼是旦夕掃除鬼令人失財子知名

可月日平旦向西北三呼名呪曰石未子

石未子太一汝為我使何物逆鬼令速出

東方青氣鬼主姓劉名元達領萬鬼行惡病

南方赤氣鬼主姓張名元伯領萬鬼行熱毒

之病

西方白氣鬼主姓趙名公明領萬鬼行注氣

之病

北方黑氣鬼主姓鍾名士季領萬鬼行下痢

之病

中央黃氣鬼主姓史名文業領萬鬼行惡瘡

腫病

右五方鬼主案此文書隨病呼姓名病即

差矣災禍皆消

善奕鬼品

太極真人飛仙寶劍上經云夫有蕭邈之才

有絕眾之望養其浩然不榮貴者既終受三

官書為善奕之鬼

太上太真科經云學道之士受法行持儻有

犯戒急宜改革雖不都原可得善死聞見真

經鬼中立功進登鬼仙者皆號靈人精進遂

遊三清

苦魂鬼品



明真科經云無極世界男女之人生世惡運  
呪詛善人叫喚神鬼質誓三官死受惡對魂  
鬼囚徒流曳三官五獄之中一日三掠痛毒  
難言

太上太真科經云惡者背法死歸混溟謂之  
為鬼受苦陰司又云學道之士有罪不改改  
而重為為不永悛叛戾師道或事邪群或無  
所事闡任邪心死而無悔此屬六天冥冥若  
魂未有免期

精魅鬼品

太上女青鬼律云

山精之鬼長一尺名濯內

樹精之鬼名群天一名式

石精之鬼名總切分內子

虎精之鬼名健子

蛇精之鬼名例音石圭

狩精之鬼名晶何鳥子

猴精之鬼名馬痢何子

狐精之鬼名連代音午

鐵精之鬼名醫頤

十九

金精之鬼名困允

木精之鬼名倚震

火精之鬼名附離

水精之鬼名託坎

土精之鬼名乘巽

氣精之鬼名矯乾

魁魅精邪之鬼

千妖萬魅之鬼

天地水三官轉道逆魅之鬼

狐狸老精自號之鬼

宅中魔邪恐怖人之鬼

右鬼皆遊行世間承人衰隙伺候有惡助

作凶災兼造禍害侵犯中傷改形易象隨

氣凌人學士知之立功建德啓告太上一

切收治年初章奏列名斷之衆鬼逃亡

樹木鬼品

太上女青鬼律云掘樹之鬼名連不智大樹

之鬼名方域小木之鬼名轉其傳木之鬼名

汝遠木榴之鬼名嗚嘖

山鬼品

太上女青鬼律云大山之鬼名弓強小山之

鬼名和邠山室之鬼名磨削山都之鬼名天

玉蓋山之鬼名柱柱

水鬼品

太上女青鬼律云河伯鬼名達九江鬼名活

三河鬼名建四瀆鬼名候

土鬼品

太上女青鬼律云地清土公名元地赤土公

名赤赤元地黃土公名剋元地白土公名述

本地黑土公名放要土民

餓鬼品

太上真科經云科曰人生於世擾擾蠢蠢正

如小蟲生競貪食死為餓鬼吞火噴炭尸殍

停遊還家覓食

瘟鬼品

太上女青鬼律云東方青氣瘟鬼名高遠南

方赤氣瘟鬼名士玄西方白氣瘟鬼名伯菜

北方黑氣瘟鬼名文選中央黃氣瘟鬼名君

太黃奴第六鬼名誅女第七鬼名陵七鬼祖

父名梁州祖母名交成父名延年母名出中

右五鬼鬼兄弟父母合九祖父母人形能飛隨月行毒以誅惡人

正月瘟鬼名惟二月瘟鬼名星三月瘟鬼名劉四月瘟鬼名存五月瘟鬼名三六月瘟鬼名祥七月瘟鬼名幸八月瘟鬼名懷九月瘟鬼名晨十月瘟鬼名早十一月瘟鬼名歲十二月瘟鬼名堅

右十二月瘟鬼各隨其月放逸

子日瘟鬼名根丑日瘟鬼名蕩寅日瘟鬼名怡卯日瘟鬼名疑辰日瘟鬼名厄巳日瘟鬼名愛午日瘟鬼名悟未日瘟鬼名奴長申日瘟鬼名木酉日瘟鬼名石戌日瘟鬼名志亥日瘟鬼名憂

上來疫病民人並順劉元達等毒害五方不行道戒皆被其災行善清修存道遵教能知鬼名皆共降伏法應去者各自遠避應留者却其凶黨更相約初不犯善人

瘟鬼品

太上女青鬼律云第一瘟鬼名釋渠第二瘟鬼名鬼高第三瘟鬼名禮高第四瘟鬼名成

晏第五瘟鬼名不祥第六瘟鬼名烏悟第七瘟鬼名緣支第八瘟鬼名育夷第九瘟鬼名石午

右九瘟之鬼行諸妖媚蠱亂天人與五瘟鬼大黃奴等共行毒氣

道要靈祇神鬼品經

正一天師清微弟子 洪百堅 製作



道教學術資訊網站

洞神八帝元變經序

滿五

原夫世隆莽昧利害之道難知得失未形安危之機罕識故蒼生庶類莫不闔步艱難之裏顛墜險阻之中所以取困於斯者皆不能逆見存亡致茲危殆故聖凡所寶者命也賢愚共愛者身也然則聖人好生故設教以防其事以律令威過失之心禮法開敬讓之路卜筮去是非之惑此雖濟生異道扶教過非猶殊途之一致別贊而同功也養生之要道莫過於避害避害宜踰於去惑去惑莫尚於卜筮卜筮莫先於鬼神鬼神之為用也或見微祥於天文或露祲災於地理或構吉凶於人事易曰知變化之道者其知神之所為乎神者藏往知來曲成萬物故人能通神則與其齊功非銷災益智而已然召役之文其來尚矣故東方朔翼奉漢朝稱聖景純韓及晉代表可然則隱逸嚴林獲功効者不勝其數且久傳斯術遷流綿邈辭旨踈缺難以具聞假有獲驗之賢恐世之而招禍莫不飲効故懷阻於傳授自非金蘭之友投分之交豈容